

ԻՍԼԱՄԻ ՏԱՐԱԾՈՒՄԸ ՔՐԴԵՐԻ ՄԵՋ VII—X ԴԴ.
(Ըստ առաքական միջնադարյան աղբյուրների)

Քրդերի մեջ իսլամի տարածումը քրդագիտության սակավ ուսումնասիրված բնագավառներից մեկն է։ Չնայած շատ քրդագետ հետազոտողներ՝ Ն. Մառը, Վ. Մինորսկին, Գ. Դրալվերը, Ս. Նդիազարովը, Վ. Նիկիտինը, Ամին Ջաթին, Ռ. Յասիմին, Մ. Ռ. Հուալդին, ինչպես նաև ժամանակի Արևմուտքի և ցարական Ռուսաստանի ռազմաքաղաքական գործիչները իրենց աշխատություններում փչեցին շատ անդրադարձել են իսլամին, սակայն մեզ հետաքրքրող հարցը համարյա տեղ չի գտել ներքանց գործերում¹։

Ներկա հոգվածում մեր նպատակն է արաբական միջնադարյան աղբյուրների հիման վրա ցույց տալ քրդերի մահմեդականացման (VII—X դդ.) սկզբնական փուլը։

Քրդերի նախաիսլամական հավատալիքների մասին մեր պատկերացումները տակավին աղոտ են, որովհետև գիտական շրջանառության մեջ դեռևս չկան համապատասխան գրավոր հին տվյալներ։

Քրդական միջավայրում պահպանված ծեսերի, ալլևայլ վերապրուկների և մասնավորապես եղգիների հավատալիքների հիման վրա մի շարք հետազոտողներ հակված են զարգացնելու այն տեսակետը, թե մինչև մահմեդականությունը քրդերը դավանել են այն կրոնական գաղափարները, ինչ իրանական մյուս ժողովուրդները՝ Դեռ ավելին. որոշ քրդագետներ հավատալիքների նույնությունը ներկայացնում են որպես քրդերի իրանական ծագման հիմք²։ Հարցի նմանօրինակ լուսաբանումը, անկասկած, զուրկ է գիտական լրջախոհությունից այն ակնհայտ պատճառով, որ հավատալիքների ընդհանրությունները բնավ չեն կարող հանդիսանալ էթնիկական ընդհանրության հիմք։

Եթե ընդունենք, որ քրդերի նախաիսլամական կրոնը զրադաշտականությունն էր, ինչպես գտնում են որոշ հետազոտողներ³, ապա հայտնի

չէ, թե այն երբ է ներթափանցել քրդական իրականության մեջ և ինչ պայմաններում:

Աքեմենյան շրջանում, մարական մոզերի ակտիվ մասնակցութեամբ, զրադաշտականութիւնը Արեւելքից սկսեց հետզհետեւ տարածվել Իրանի արեւմտյան նահանգները, ուր Սասանյան դինաստիայի օրոք քրիստոնէութեան և մանիքականութեան դեմ ծավալված պայքարում, այն վերջնականապէս վերածվեց պետական կրոնի⁴:

Քրդերի մեջ նույնպէս տարածված է այն կարծիքը, որ իրենց նախնիները մինչև իսլամի երևան գալը եղել են զրադաշտականներ—մաջուս⁵: Մինչդեռ, ինչպէս ընդգծում է Վ. Մինորսկին, արամեա-քրիստոնեական աղբյուրները հիշատակում են, որ այն քրդերը, որոնք ընդունեցին քրիստոնեութիւնը (III դ.), նախկինում եղել են հեթանոսներ⁶: Այս առթիւ տեղին է նշել, որ արաբ պատմիչներ Թաբարին (X դ.), Իբն ալ-Ասիրը (XIII դ.) և ուրիշներ, նկարագրելով VII դ. 40-ական թթ. արաբների կողմից Իրանի Ֆարս նահանգի նվաճումը, միաժամանակ հիշատակում են հեթանոս քրդերին ռալ-աքրադ, ալ-մուշրիկին⁷:

Քրդերի միջնադարյան համատարիքների մասին սակավ, բայց արժեքավոր տեղեկութիւններ են պարունակում արաբական աղբյուրները: Խոսքը վերաբերում է ոչ միայն իսլամին, այլև զրադաշտական և քրիստոնեական գաղափարներին, որոնք, պետք է ենթադրել, որ քրդական իրականութեան մեջ գոյութիւն են ունեցել իսլամից առաջ, այլ ոչ թե ներթափանցել են վերջինիս տարածման ժամանակներում:

Նախ մի քանի խոսք զրադաշտականութեան մասին: IX—X դդ. արաբ հեղինակների երկերում ցայտուն երևում է X դ. զրադաշտականութեան մեծ դերն ու տեղը իրանական ժողովուրդների կյանքում: Իբն Հաուկալի (X դ.) վկայութեամբ Իրանի Ֆարս նահանգի բոլոր ռուստակներում (շրջաններում) IX—X դդ. գոյութիւն ունեին անթիվ «կրակատներ»⁸:

Ֆարսի կրակատներից էր Գարյանը, որը գտնվում էր քրդաբնակ շրջանում և ամենախոշորն էր ամբողջ Իրանում: Իբն Հաուկալի խոսքերով՝ այն հայտնի էր Նադ-ճավի կամ Ադրճավի⁹ անունով: (Մեր կարծիքով Նար ճավի նույնն է, ինչ Ադրճավի: Նար արաբական բառ է, նշանակում է կրակ, որը միջին պարսկերեն ադրի-ի (կրակ) թարգմանութիւնն է: Իսկ ճավի նույնպէս իրանական բառ է, որը նշանակում է աղբյուր, աշք, հետեաբար թարգմանաբար կլինի ճրակն, կրակի աղբյուր): Այս կարգի վկայակոչումների հանդիպում ենք ալ-Իսթախրիի¹⁰ (X դ.), ալ-Մուկադդասիի¹¹ (X դ.), Իբն ալ-Ֆակիհի¹² (IX—X դդ.), ալ-Իգրիսիի¹³ (XII դ.) և այլոց երկերում: Ալ-Մուկադդասին նշում է, որ «Գարյանը փոքրիկ

քաղաք է, բայց ռուստակը շեն է, նրանում կրակատաճար կա, որը մեծարում են և նրանից ամենուր կրակ են տեղափոխում»¹⁴։ Սույն կրակատան վերաբերյալ Իբն ալ-Ֆակիհի մոտ հետաքրքիր լեզենդ է պահպանվել, ըստ որի այն սրբավայր էր դարձել դեռևս Խ. Անուշիրվանի կողմից (VI դ.), որի կրակը տեղափոխվել էր Խորեզմից¹⁵։ Արաբական տիրապետության ժամանակ մոգերը այդ կրակատունը բաժանեցին երկու մասի, մեկը տեղափոխեցին Ֆեսա, իսկ մյուսը թողեցին տեղում¹⁶։

Ըստ արաբ աշխարհագիրների, իրանական Ֆարս նահանգը ուներ 5 գավառ, որոնց կազմի մեջ էին մտնում արաբական աղբյուրներում երկու ուղղագրությամբ հիշատակվող և) զում (հոգ. թիվ 1-2) զում (մոմ), ռում և) (հոգ. թիվ 1-2) ռում (մոմ) քրդական հինգ բնակավայրեր¹⁷։ Դրանցից մեկն էլ Քերմանին սահմանակից Գարյան բնակավայրն էր, որը արաբ հեղինակները մտցնում են Ֆարս նահանգի Արտաշիրխուրա գավառի մեջ¹⁸։ Միջնադարյան արաբական աղբյուրները (IX—X դդ.), որոնք քրդերին հիշատակում են, գլխավորապես, Ֆարսում Զիրալում¹⁹, Մոսուլի մարզում և ալլուր, մերթնդմերթ խոսում են, սույն տարածքներում գործող կրակատների մասին²⁰։ Ուշագրավ է, որ X դ. հեղինակ ալ-Մասուդին իր աշխատություններից մեկում անդրադառնալով մի շարք ժողովուրդների, այդ թվում քրդերի նախախալամական կրոնին, գրում է, որ «...նրանցից շատերը կրակ էին պաշտում»²¹։

Տարաբախտաբար եղած կցկտուր վկայությունները հնարավորություն չեն տալիս ամբողջական պատկերացում կազմել քրդերի նախախալամական պաշտամունքի մասին, հիմք չեն տալիս եզրակացնելու, թե քուրդ ազգաբնակչությունը դավանել է զրադաշտականությունը։

Կարծիք կա, որ նախախալամական շրջանում և նրա տարածման ժամանակաշրջանում քրդերի մեջ տարածված կրոններից է եղել քրիստոնեությունը։ Այս տեսակետը զարգացնում են մի շարք քրդագետներ՝ Վ. Մինորսկին, Գ. Դրավլերը, Ա. Զաքին և ուրիշներ²²։ Իրաքցի գիտնական Շ. Խասբաքը իր հերթին գտնում է (թեև առանց փաստական տրվյալների), թե ժամանակակից Քուրդիստանի քրիստոնեական տարրը բաղկացած է եղել հայերից և նեստորական ասորիներից։ Նրա կարծիքով, քրդերը դավանել են զրադաշտականություն, որից հետո ընդունել իսլամը²³։ Շ. Խասբաքի այս տեսակետը հերքում են արաբական աղբյուրների նյութերը։

Նախ պետք է նշել, որ արաբական արշավանքներից առաջ քրիստոնեությունը լայն տարածում էր գտել Մերձավոր և Միջին Արևելքի շատ

ժողովուրդների մեջ, այդ թվում բուն Արաբիայում: Եվ պատահական չէր, որ IV դարի արշալույսին այն որպես պաշտոնական կրոն ճանաչվեց Հայաստանում, հետագայում՝ Հռոմեական կայսրությունում և այլուր: Արաբ հեղինակների նյութերից երևում է, որ Իրաքում²⁴, Ջիրբալում²⁵ և իրանական մյուս շրջաններում²⁶ Աբբասյան խալիֆայության տիրապետության ժամանակաշրջանում դեռևս շարունակում էին գոյատևել ինչպես քրիստոնեությունը, այնպես էլ հուդայական կրոնը:

X դ. արաբ խոշոր գիտնական ալ-Մասուդին, խոսելով քրդական ցեղերի մասին, գրում է, որ «ալ-յակուբիյա և ալ-ջուրկան (քրդական ցեղեր—Ա. Փ.) քրիստոնյա են, որոնց բնակավայրերը գտնվում են Մոսուլի և Ջարալ ալ-Ջուդիի²⁷ միջև ընկած տարածքում»²⁸: Ալ-Մասուդին ցույց չի տալիս նշված ցեղերի քրիստոնեություն ընդունելու ժամանակը: Այս հարցը ընդհանրապես վրիպել է հեղինակների ուշադրությունից: Կարելի է ենթադրել, որ մինչ մահմեդականության տարածումը՝ քրդերի մեջ քրիստոնեական դավանանքը առկա է եղել:

Քննարկվող հարցի առնչությամբ ուշագրավ է ՍՍՀՄ ԳԱ Արևելագիտության ինստիտուտի լենինգրադյան բաժանմունքի արաբական ձեռագրաֆոնդի № 782 ձեռագիրը, ուր նշվում է, որ «քրդերի մեջ կան քրիստոնեություն դավանողներ: Ըստ երևույթին այդ եղել է վաղ անցյալում, որից հետո նրանց մեջ տարածվեց իսլամը»²⁹:

Քրդերի մեջ քրիստոնեության գոյության վերաբերյալ կցկտուր տեղեկություններ են հաղորդում նաև այլ հեղինակներ³⁰: Սակայն առանձնահատուկ ուշադրության են արժանի Քուրդիստանում քրիստոնեական եկեղեցիների վերաբերյալ նյութերը: X դ. հեղինակ աշ-Շաբուշթիի տեղյակներով Մոսուլի մարզում³¹ կային մի քանի եկեղեցիներ, ճիշտ այն շրջաններում, որտեղ ալ-Մասուդին հիշատակում է քրիստոնյա քրդական ցեղերին: Նման կարգի տեղեկություններ իր աշխատությունում հաղորդում է նաև Յակուբը: Օրինակ, խոսելով Դեր. Կում եկեղեցու մասին, նա նշում է, որ այն գտնվում է «Հաքքարիյա երկրում»՝ Իմադիայի մոտակայքում... որը կրում է Կում գյուղի անունը և շին է մինչև օրս»³²:

Արաբ հեղինակների տվյալները հիմք են տալիս ենթադրելու, որ արաբական արշավանքների և իսլամի տարածման արշալույսին քուրդ ազգաբնակչության հավատալիքները բաղմատեսակ էին: Քրդական իրականության մեջ, ինչպես նշվեց, գոյություն ունեւ ոչ միայն հեթանոսությունը, այլև զրադաշտականությունը, քրիստոնեությունը և այլն, որոնք հետզհետե իրենց տեղը գիշեցին իսլամին:

Քրդերի մեջ իսլամի տարածումը իր բնութիւնով բարդ է: Նախ և առաջ տարածում ասելով չպետք է հասկանալ ընդունում: Կարելի է որոշակիորեն ցույց տալ կրոնական այդ գաղափարախոսութեան ներթափանցման ակունքները, բայց ստույգ հնարավոր չէ նշել նրա՝ պաշտոնական կրոնի վերածվելը, քանի որ այդ պրոցեսը (այսինքն՝ մահմեդականացումը) տեղեւ մի քանի հարյուրամյակ և թերեւ շարունակվում է: Մեր ընտրած ժամանակաշրջանը համարվում է քրդերի մեջ իսլամի տարածման և ընդունման առաջին փուլը:

Իսլամի երևան գալը, ինչպես նաև նրա գաղափարական յուրահատուկ գծերը պայմանավորված էին Արաբիայի ժողովուրդների զարգացման առանձնահատկութիւններով³³:

VII դարի սկզբին կրոնական և սոցիալական գաղափարները, որ քարոզեց Մուհամեդը, ծառայեցին հասարակարգի փոփոխութեանը: Մուհամեդը դարձավ արաբների մարգարեն, նա կարողացավ իր ետեւից տանել արաբական թերակղզու բնակչութեանը՝ պահպանելով և օգտագործելով այն, ինչ կարելի էր վերցնել տեղական ավանդութիւններից³⁴:

Գլխավորելով կրոնաքաղաքական և ռազմական շարժումը սկզբում Մեքքայում, այնուհետեւ Մեդինայում (Ճասրիբում), Մուհամեդը հիմնադրեց նոր ուսմունք՝ իսլամը, որի հիմնական սկզբունքը՝ «իսլամում բոլորի եղբայրութիւնն ու հավասարութիւնն» էր: Վերահիշյալ սկզբունքի տարածման հետեւանքով 610—632 թթ. ընթացքում Մուհամեդը որպես աստծո ռասուլը (առաքյալը), կարողացավ իր շուրջը համախմբել Արաբիայի բնակչութեան զգալի մասին:

Նրա հանկարծակի մահից հետո՝ 632 թ. կաղմվեց արաբական խալիֆայութիւնը (խալիֆա—փոխարինող, հաջորդող): Առաջին չորս խալիֆաները՝ Աբու Բաքրը (632—634 թթ.), Օմար իբն Խաթթաբը (634—644 թթ.), Օսման իբն Աֆֆանը (644—656 թթ.) և Ալի իբն Աբու Թալիբը (656—660) համարվում էին ռաշիդին՝ արդարադատ, արդարամիտ: Եւ ահա, որքան էլ տարօրինակ թվա, այս «արդարադատ» խալիֆաների օրոք սկսվեց արաբական ռազմական էքսպանսիան Արաբիայի սահմաններից դուրս, որին մասնակցեցին անգամ Մուհամեդի հակառակորդ խոշոր ցեղերը:

Այսպիսով, սկզբնապես իսլամը ոչ այլ ինչ էր, եթե ոչ Արաբիայի աղնվականութեան սոցիալ-քաղաքական գաղափարախոսութիւնը, որը հենց նվաճումների ընթացքում վերջնականորեն ձևավորվեց որպես կրոն:

Արդարեւ, այս տեսակետից էլ մենք կտրականապէս շնք կարող համաձայնել XX դ. քուրդ պատմաբան Ամին Զաքիի հետ, որը գտնում է, թէ քրդերի մահմեդականացումը սկսվել է դեռևս մարգարեի օրոք³⁵:

Ա. Զաքին հիմնվելով Մուհամեդ ալ-Ալուաիի «Թաֆսիր ոււհ էլ-մասնի» աշխատության տվյալների վրա, որն իր հերթին վկայակոչել է XIV—XV դդ. արաբ հեղինակ Իբն Հաշար ալ-Ասկալանիի «Ալ-խսաբա ֆի թամյիդ աս-սահաբա» երկի նյութերը, գրում է, որ Մուհամեդի զինակիցների մեջ եղել են նաև քրդեր: Այս առիթով նա հիշատակում է ոմն Զարան կամ Գարան Աբու Մայմուն ալ-Քուրդիին և նրա որդուն՝ Մայմուն Աբու Նասիրին³⁶:

Մեզ չհաջողվեց ձեռք բերել Մ. ալ-Ալուաիի աշխատությունը, բայց գտնվեց նրա սկզբնաղբյուրը՝ Իբն Հաշարի երկը: Կալկաթայի հրատարակության առաջին հատորում հեղինակը իսկապէս խոսում է նման անձնավորության մասին, բայց ոչ թե ալ-Քուրդիի ազգանունով, այլ ալ-Սուրդի³⁷:

Իբն Հաշարը իր մեկ ուրիշ՝ «Թահզիր—ու—թահզիր» աշխատությունում հիշատակում է Մայմուն Աբու Նասիր կամ Մայմուն Աբու Բասիր նույն անձնավորությանը, բայց այս անգամ ալ-Քուրդիի ազգանունով³⁸:

Հայտնի է, որ Իբն Հաշարը ուշ շրջանի հեղինակ է և բավականին օգտվել է Իբն ալ-Ասիրի (XIII դ.) «Ուսուդ-էլ-ղաբա ֆի մաարիֆաթ աս-սահաբա» նույնատիպ աշխատությունից: Վերջինս դարձյալ խոսում է ոմն Զարան Աբու Մայմունի մասին, բայց ընդհանրապէս չի հիշատակում ազգանունը³⁹:

Հայտնի չէ, թե Իբն Հաշարը ալ-Քուրդի կամ ալ-Սուրդիի ազգանունը որտեղից է վերցրել: Բացի այդ, հայտնի չէ նաև թե ալ-Ալուաին Իբն Հաշարի որ հրատարակությունից է օգտվել, հնարավոր է վրիպում տեքստում, որի պատճառով էլ ազգանունները վիճելի են մնում: Այնուամենայնիվ, մեր կասկածները փարատում են թե՛ Իբն Հաշարի և թե՛ Իբն ալ-Ասիրի վկայակոչությունները, որոնք խոսում են Զարան ալ-Քուրդիի կամ ալ-Սուրդիի ոչ թե մարգարեի զինակից լինելու մասին, այլ այն մասին, որ նա իբր շուրջ 10 անգամ լսել է Մուհամեդի քարոզները⁴⁰:

Այնուհանդերձ, Ա. Զաքին, շմատանշելով սկզբնաղբյուրները, շարունակում է անհիմն պնդել, թե իբր Մուհամեդի զինակիցների մեջ եղել են քրդական ծագումով ուրիշ մարդիկ⁴¹:

Տարաբախտաբար, այս թյուր տեսակետները տեղ են գտել նաև քրդագիտական գրականության⁴² և ժամանակակից մահմեդական քրդերի մեջ:

Այս առթիվ արժեք ընդգծել, որ միջնադարյան արաբական աղբյուրներում որևէ նյութի շնք հանդիպում՝ իսլամի երևան գալու ժամանակաշրջանում Արաբական թերակղզում քրդերի առկայության մասին: Քրդերի արտագաղթը հայրենի լեռնաշխարհից սկիզբ առավ արաբական նվաճումներից հետո: Ընդամիս, կարող է պատահել, որ VII դ. սկզբին դեպի այս տարածքը սասանյան զորքի կատարած արշավանքների ժամանակ առանձին քուրդ զինվորներ ծառայության անցան արաբ ցեղապետերի մոտ: Հետևաբար, եթե անգամ ենթադրենք, որ Մուհամեդի իսլամական համայնքում կային քրդեր, ապա դա դեռ չի նշանակում, որ նրանք մեր պատկերացրած մուսուլմաններն էին: Հայտնի է, որ իսլամի համայնքի ազդեցությունը մեծացնելու և գործունեությունը ակտիվացնելու նպատակով Մուհամեդի կողմնակիցները Մեքքայի մեծահարուստներից նույնիսկ ստրուկներ էին գնում: Օրինակ, առաջին խալիֆան՝ Աբու Բաքրը, մարգարեի առաքելության սկզբնական շրջանում իր 40 հազար դիրհեմ կարողությունից շուրջ 35 հազարը տրամադրեց կրոնական կաթիքներին, ինչպես նաև ստրուկներ գնելուն⁴³:

Քրդերի մեջ իսլամի տարածումը և մահմեդականացումը, ըստ մեր ունեցած տվյալների, սկսվեց արաբական նվաճումներից հետո, որոնք և ճակատագրական դեր խաղացին ոչ միայն քրդերի, այլև երկրագնդի տարբեր մայրցամաքների տասնյակ ժողովուրդների կյանքում:

Արաբական նվաճումները տարբեր ճակատներում սկսվեցին միաժամանակ: Դրանք լայն մասշտաբներ ընդունեցին հատկապես երկրորդ խալիֆայի՝ Օմարի օրոք: Իսլամի դրոշի ներքո ձեռնարկված ռազմական հարձակումների ընթացքում 633—642 թթ. արաբները նվաճեցին Պաղեստինը, Սիրիան, Վերին Միջագետքը, Եգիպտոսը և այլն:

633 թ. Հիրա քաղաքի մոտ (Իրաքում) իրանական զորքը պարտություն կրեց արաբներից: Իր մայրամուտն ապրող Սասանյան դինաստիան, որը ի վիճակի չէր հակահարված տալու նույնիսկ երկրի կենտրոնախույս ուժերին, չկարողացավ մոբիլիզացնել երկրի ռազմական ողջ ուժերը և կանխել արաբների աննախընթաց առաջխաղացումը: 637 թ. սկզբներին Կադիսիայի ճակատամարտում արաբների խոշոր հաղթանակը դարձավ շրջադարձային կետ Իրանում ռազմական նվաճումները շարունակելու գործում: Մի քանի շաբաթից արաբները ներխուժեցին Սասանյան մայրաքաղաք Տիզբոնը: Մինչ այդ Հազկերտ 3-րդը թողեց քաղաքը և մեկնեց Հուլվան: Հետապնդելով Հազկերտ 3-րդին, արաբները խորացրին իրենց նվաճումները իրանական տիրույթներում:

Պետք է ենթադրել, որ քուրդ-արաբական բախումները այս շրջանում տեղի ունեցան 637—638 թթ., երբ արաբները հարձակվեցին Ջազիրայի⁴⁴ (Վերին Միջագետք), Հուլվանի, Կարմասինի (Քերմանշահ) և այլ շրջանների վրա⁴⁵:

640 թ. Ութրա իրն Ֆարկադի գլխավորությամբ արաբական զորքը գրավեց Թիբրիթը, Մոսուլը և, ալ-Բալազուրիի (IX դ.) խոսքերով, «քըրդական բոլոր ամրությունները»⁴⁶: Հետագա երկու տարիների ընթացքում արաբները խորացան Ջիրալում: 641 թ. Ազրա իրն Կայսի գլխավորած զորքը Հուլվանից շարժվեց դեպի Շահրիզուր: Տեղի բնակչության անսասան դիմադրության հետևանքով, արաբական զորքը ետ նահանջեց: Այնուհետև Ութրա իրն Ֆարկադը կրկին փորձեց գրավել Շահրիզուրը: Ալ-Բալազուրին գրում է, թե նա նվաճեց այդ մարզը, «կովեց քրդերի դեմ, ջարդեց նրանց և Օմարին հայտնեց, որ նվաճումներ կատարելով հասել է մինչև Ատրպատական»⁴⁷:

Այս կապակցությամբ Իրն Խալիդունը նշում է, թե Ութրա իրն Ֆարկադը նվաճեց Շահրիզուրը և Սամաղանը, բնակչության վրա նշանակեց չիդյա և խարաջ⁴⁸:

Յակուբը Շահրիզուրի մասին խոսելիս նշում է, որ այն «մեծ մարզ է, գտնվում է Ջիրալում և տարածված է էրբիլի ու Համադանի միջև.. Այս շրջանի բնակիչները բոլորն էլ քրդեր են»⁴⁹: Իսկ Աբու Դուլաֆը (X դ.) գրում է, որ Շահրիզուրի քուրդ բնակչությունը բավականաչափ անհնազանդ էր և չէր ենթարկվում տեղի կառավարիչներին⁵⁰:

Արաբ աշխարհագիրները և պատմագիրները խոսելով Իրաքի, Ջիրայի, Իրանի և այլ վայրերի նվաճման մասին, հաճախ գործածում են աջամ, մաջուս, կամ ադալ (թշնամի) տերմինները, որոնք բարդացնում են մեր խնդիրը՝ առանձնացնելու քրդերին այդ տեղանքի բնակիչներից: Նրանց վկայակոչումներից մի բան պարզ է, որ արաբները լեռնային այդ բնակավայրերը գրավեցին հսկայական դժվարությամբ: Անտարակույս, դա պետք է բացատրել ոչ միայն աշխարհագրական դժվարին պայմաններով, այլև տեղի բնակչության համառ դիմադրությամբ:

641 թ. Նեհավենդի ճակատամարտը սասանյանների վերջին հույսն էր: Այստեղ հակառակորդները մեծ ուժեր էին կուտակել, որի ներկարագրությունը զգալի տեղ է զբաղեցրել արաբական աղբյուրներում: Արաբների տարած հաղթանակը լուրջ բեկում առաջացրեց արևելյան ճակատում: Հազկերտ 3-րդը հարկադրված դիմեց փախուստի, անցավ Մերով, ուր վախճանվեց 651 թ.:

Նկարագրելով Իրանի նվաճումը, արաբ հեղինակները մերթ ընդ

մերթ հիշատակում են նաև քրդերին⁵¹։ Այսպես՝ 643 թ. Ֆեսայի և Դա-
րաբոջրոդի գրավման ժամանակ, ինչպես նշում է աթ-Թաբարին, Ֆարսի
քրդերը դիմադրեցին արաբներին⁵²։ Նույն՝ 643 թ. Բիրոզում (Ահվազի
շրջ.) «հեթանոս քրդերը» համառ դիմադրությունից հետո հրաժարվե-
ցին իսլամից, ինչպես նաև ջիզյայից և խարաշից։ Արաբները նրանց
չարդեցին և գերեվարեցին⁵³։

645 թ. Սալման իբն Ռաբիան գրավեց Առանը (Աղվանք)։ Ըստ
արաբ հեղինակների տվյալների, նրա զորահրամանատարը քրդական
Բալասջան (Բաղասական) ցեղին կոչ արեց ընդունել իսլամը⁵⁴, ինչպես
սովորաբար անում էին նվաճողները։ Ալ-Բալասգուրին գրում է, որ «քրդ-
դերը կովեցին նրա հետ, բայց նա (Սալման իբն Ռաբիան—Ա. Փ.) հաղ-
թեց նրանց, որոնցից մի մասին պարտադրեց (վճարել) ջիզյա, մի մասն
էլ վճարեց սադակա (իսլամական հարկատեսակ), բայց այդպիսիները
քիչ էին»⁵⁵։

Մոտավորապես այսպիսի պատկեր ունեւր քրդերի մեջ իսլամի տա-
րածման առաջին շրջանը։ Կրոնական նոր գաղափարախոսությունն եր-
թափանցման վրա լույս են սփռում այդ ժամանակ կիրառվող հարկատե-
սակները՝ ջիզյա (գլխահարկ) և խարաջ (հողահարկ)։

Իրանական այս երկու հարկատեսակներն էլ (գեզդիտ-ջիզյա և խարազ-
խարաջ) արաբները իրենց արշավանքների սկզբնական շրջանում փոխ
առան սասանյաններից⁵⁶։ Խալիֆայության հարկային սիստեմը որոշա-
կի ձևավորվեց հիմնականում ֆեոդալական հարաբերությունների զար-
գացման ընթացքում։

Ակնհայտ է, որ ջիզյան (գլխահարկ) վճարում էին նրանք, ովքեր
հրաժարվում էին իսլամ ընդունելուց, իսկ խարաջը պարտադիր հողային
հարկ էր, որի չափը փոխվում էր մշակվող կուլտուրայի համեմատ։

Նվաճված երկրները, այդ թվում քրդական շրջանները, մասնավորա-
պես Օմար խալիֆայի օրոք, գերազանցապես վճարում էին ջիզյա և խա-
րաջ⁵⁷։

Այս երկու ծանր հարկատեսակների կիրառմամբ, որ կատարվում էր
իսլամից հրաժարվելու և դիմադրելու դեպքում, արաբները քաղաքական
և տնտեսական ճնշում էին գործադրում նվաճված երկրների ժողովուրդ-
ների վրա։ Ջիզյայից ազատվելու համար, որը գանձվում էր ըստ նվա-
ճողների պահանջի⁵⁸, իսլամը երբեմն ընդունվում էր լուրջ ձեռնադրե-
նքով, ինչպես քրդերը արեցին Առանում (Աղվանքում)։ Այս առթիվ
հարկ է նշել, որ կրոնական գաղափարախոսությունների տարածումը,
ինչպես ցույց է տալիս պատմությունը, պահանջում է երկար ժամանակ։

Որպես այդպիսին քրդերի կողմից մահմեդականության ընդունումը կամ մահմեդականացումը եղել է տեղական ու բարդ պրոցես:

Այսպիսով, ինչպես երևում է վերը շարադրվածից, սկզբնական շրջանում իսլամի գաղափարները քրդերի մեջ տարածվել են դանդաղ՝ հիմնականում բռնություններով: Այդ պրոցեսի ընթացքը և մանրամասնությունները գրեթե լուսաբանված չեն: Միայն հայտնի են կցկտուր տեղեկություններ⁵⁹: Այնուհանդերձ հիմնվելով խալիֆայության հարկային քաղաքականությանը վերաբերող նյութերի վրա, կարելի է եզրակացնել, որ քրդերը իսլամը սկսեցին ընդունել IX—X դդ.: Օրինակ, ալ-Իսթախրին (X դ.) վկայակոչում է, որ Ֆարս նահանգի քրդական բնակավայրերից խալիֆայությանը տրվող խարաջը ապահովում էին քուրդ առաջնորդները⁶⁰: Ալ-Իսթախրիի վկայակոչությունն ուշագրավ է այն առումով, որ քրդական բնակավայրի պատասխանատու անձը քուրդ ցեղապետն էր, որը միաժամանակ խալիֆայության կողմից նշանակված կառավարչըն էր:

Անդրադառնալով Զիրալի, Մոսուլի և այլ շրջանների հարկերին, արար հեղինակները միշտ չէ, որ հիշատակում են քրդերին: Նրանց տրվյալներից երևում է, որ IX—X դդ. նշված տարածքներից գանձվում էր միայն խարաջը⁶¹:

Ինչպես նշվեց վերևում, այս ժամանակահատվածում (IX—X դդ.) իրանական ժողովուրդների մեջ դեռևս պահպանվում էր զրադաշտականությունը, որի դավանողների վճարած հարկերի մասին (ջիզյայի) համարյա լուրս են արաբական աղբյուրները:

Ակնհայտ է, որ քրդերը մասնակցել են Ալիի օրոք ծագած խարիջիների շարժմանը: Պետք է նշել, որ իսլամական աղանդները սկիզբ առան երրորդ խալիֆայի՝ Օսմանի (644—656) ժամանակ: Մահմեդական համայնքի դժգոհության հիմնական պատճառն այն էր, որ վարչական բոլոր պաշտոնները զբաղեցրած Օսմանի մեծահարուստ բարեկամները (Օսմանյան տոհմից) մտահոգված էին հարստություն կուտակելով՝ ի հաշիվ խալիֆայության գանձարանի⁶²:

Սոցիալ-տնտեսական ու քաղաքական բեկումնացման պրոցեսի խորացումը առիթ տվեց լուրջ հուզումների՝ ստորին խավերի մեջ: Ահա այս շրջանում էր, որ ձևավորվեց հայտնի շիական ուղղությունը (Ալիի խումբը, կուսակիցները, համախոհները), որի կրոնական ուսմունքի հիմնադիրն էր Աբդուլահ իբն Սաբան⁶³: Նախնական շրջանում շիաները արտահայտում էին ստորին խավի շահերը և հետապնդում էին քաղա-

քական նպատակներ՝ պահանջելով մահմեդականների հավասարություն և խոշոր ազնվականության իշխանության վերացում: Նրանք գտնում էին, որ օրինական խալիֆան (իմամ) կարող է լինել միայն մարգարի ազգակիցը, արյունակիցը: Հետևաբար, Ալին հանդիսանում էր օրինական հավակնորդը, որը երեք անգամ զրկվել էր այդ հնարավորությունից⁶⁴:

Օսմանի սպանությունից հետո, որը կազմակերպել էին շիաները, խալիֆա հռակվեց Ալին (656—660): Այդ ամենին թշնամաբար տրամադրվեց Օմայան վերնախավը, Սիրիայի կառավարիչ Մուավյա իբն Մուֆայանի գլխավորությամբ, որը ամեն կերպ ջանում էր ասպարեզից վերացնել Ալիին: 657 թ. Սիֆինի մոտ Մուավյայի զորքը պարտություն կրեց Ալիի կողմնակիցներից: Ճակատամարտի հաջորդ օրը, Մուավյայի զինվորները դուրանով մարտադաշտ դուրս եկան՝ «աստծո գրքի դատաստանին»: Այդ պահին Ալին դադարեցրեց մարտը և սկսեց բանակցություն վարել Մուավյայի հետ: Ալիի այս վարմունքը նրա կողմնակիցները գրեհահատեցին որպես քայլ «աստծո դատաստանի դեմ»⁶⁵: Այդ պատճառով էլ լուծարքի ենթարկվեց նրա կողմնակիցների բանակը և շատերը համախմբվեցին ու այս անգամ հանդես եկան ոչ միայն Մուավյայի, այլև Ալիի դեմ⁶⁶: Դրանով պատմության թատերաբեմում ի հայտ եկավ խարիջիների հոսանքը (աղանդը, արաբական «խարաջա» բառից, որը նշանակում է դուրս գալ, ապստամբել), որը տևեց երկար ու ձիգ դարեր: Արտաքնապես թվում էր, որ խարիջիների շարժումը ուղղված էր օմայանների դեմ, սակայն շուտով այդ շարժումն ընդլայնվեց և շահերի միասնության բերումով նրան սկսեցին հարել ու մասնակցել թե՛ մահմեդական և թե՛ ոչ մահմեդական շահագործվողներ: Խարիջիները օրինական խալիֆաներ համարեցին միայն Աբու Բաքրին, Օմարին, իսկ Ալիին կիսով չափ՝ մինչև Մուավյայի հետ ունեցած վեճը: Նրանք իսլամի քողի տակ մշակեցին ռազմաքաղաքական ծրագրեր⁶⁷ և սկսեցին պայքարել խոշոր հողատեր դասի դեմ: Պատահական չէ, որ այդ շարժումը լայն արձագանք և տարածում գտավ խալիֆայության բոլոր տիրույթներում. նրան մասնակցեցին հակաարաբական տրամադրություն ունեցող զրեթե բոլոր տարրերը:

Խարիջիների գաղափարները քրդերի մեջ, բացառված չէ, որ սկսել են տարածվել դեռևս այդ շարժման սկզբնական շրջանում (VII դ. 60-ական թթ.): Օրինակ՝ ալ-Ցակուբին նշում է, որ 660 թ. Շահրիզուրում հաստատվեց խարիջիների մի զորախումբ Ֆարուա իբն ալ-Աշշաիի գլխավորությամբ⁶⁸: Թեև հեղինակը այստեղ քրդերին չի հիշատակում,

բայց իրն Հառվալը, որը ընդգծում է այդ տեղանքում (Շահրիգուրի շրջան) քրդերի գերակշռության փաստերը և բնակչության խարիջի լինելը, հիմք է ծառայում պնդելու մեր ենթադրությունը: Դեռ ավելին, ալ-Մասուդիի տվյալներից երևում է, որ VII դարի վերջերին խարիջիների շարժման օջախներից էին, Սինջարը և Մոսուլը⁶⁹:

Խարիջիների շարժմանը IX դարից քրդերի ունեցած մասնակցության վերաբերյալ նյութեր են հաղորդում աթ-Թաբարին, իրն ալ-Ասիբը և ուրիշներ⁷⁰: Ուշագրավ է այս առթիվ մեջ բերել դարձյալ ալ-Մասուդիի խիստ արժեքավոր վկայությունը: Նա մասնավորապես շեշտում է, որ քրդերի մեջ տարածված գաղափարները ճիշտ այնպիսին էին, «ինչպիսին խարիջիներինը, որոնք ժխտում են Օսմանին և Ալիին»⁷¹:

Ինչպես վկայում է նույն ալ-Մասուդին, «Ատրպատական երկրում բնակվող քրդերը հայտնի են որպես շուրահ (այսինքն՝ խարիջի—Ա. Փ.)»⁷²: Նույն միտքը հաստատում է իրն Խալդունը, որը նշում է, որ «քրդերը խարիջիների կողմնակիցներ էին»⁷³: Քրդերի խարիջիամետ լինելու վերաբերյալ կարելի է բերել ուրիշ փաստարկներ ևս: Բնականաբար հարց է ծագում, թե խարիջիների գաղափարախոսությունը ինչու՞ն է այդքան արագորեն ներթափանցեց քրդական միջավայր և ունեցավ այդքան շատ համախոհներ: Առաջադրված հարցին պատասխան տալու համար հարկ է ուշադրություն դարձնել խարիջիների գաղափարախոսության սկզբունքներին: Իսլամական այդ աղանդավորական շարժման ծրագրերը մեծապես արտահայտում էին խալիֆայության ժողովուրդների ստորին խավերի շահերը⁷⁴:

Սակայն իրենց կրոնական մոլեռանդության պատճառով խարիջիները հետագայում հեղինակազրկվեցին, և նրանց դեմ պայքարի ելան ոչ միայն խալիֆայության իշխանությունները, այլև մահմեդական բնակչությունը⁷⁵:

Ինչպես դժվար չէ նկատել, քրդերի խարիջի լինելը դեռ չէր նշանակում, որ նրանք մահմեդական են: Սակայն պետք է նշել մի կարևոր հանգամանք. այս շարժման ընթացքում քրդերը ավելի հաղորդակից դարձան իսլամի գաղափարախոսությանը և ավելի շատ նախադրյալներ ստեղծվեցին իսլամի մասսայական ընդունման համար: Օգտվելով կենտրոնական իշխանության թուլությունից և մասնավորապես 942 թ. բուհիների կողմից Բաղդադի գրավումից, քուրդ ֆեոդալները ավելի ուժեղացրին իրենց դիրքերը և հիմնադրեցին մի շարք քրդական իշխանություններ: Իսլամի գաղափարները նրանց կողմից օգտագործվում էին իրենց տիրապետության ամրապնդման համար: Այս հանգամանքը իր

հերթին նպատեց մահմեդականության տարածմանը քրդերի մեջ: Այլ կերպ ասած, իսլամը որպես ֆեոդալական գաղափարախոսություն դարձավ քրդական վերնախավի կրոնը նույնպես: Քրդական այս կարգի իշխանություններից էր Հասանվեյհների իշխանությունը (961—1015 թթ.): Նրա հիմնադիրն էր քուրդ խոշոր ֆեոդալ Հասանվեյհ իբն ալ-Հուսեյն ալ-Քուրդին, որին հաջողվեց իր շուրջը համախմբել քրդական մի շարք ցեղերի և 961 թ. հիմնադրել իշխանություն, Դինավար մայրաքաղաքով: Այստեղ նրա առաջին քայլերից մեկը մզկիթ կառուցելն էր⁷⁶:

Հասանվեյհի մահից հետո իշխանությունն անցավ նրա որդուն՝ Բադրին (979—1015 թթ.), որն իր գործունեության ընթացքում մեծ տեղ էր տալիս մուսուլմանական գաղափարների արմատավորմանը: Բադրի օրոք Հասանվեյհների իշխանության կազմի մեջ էին մտնում Համադանը, Դինավարը, Նեհավանդը, Ասադաբադը և այլն⁷⁷: Շարաֆ խան Բիթլիսին նշում է, որ նրան էին պատկանում «...բոլոր ամրոցները, լեռները, հարթավայրերը Դինավարից մինչև Ահվազ, Խուզիստան, Բորոջիրդ (լեռ Լուրիստանում—Ա. Փ.), Ասադաբադ և Նեհավանդ»⁷⁸:

Բադրի մուսուլմանական բարեգործությունների մասին գրում են շատ հեղինակներ: Մեջբերում ենք կատարում Իբն ալ-Ջաուզիի (XII դ.) երկից. «...Բադրը,—գրում է նա,—ամեն տարի ծախսում էր հազար դինար, որպեսզի 20 մարդ, հաջ գնային նրա մոր և Ադուդ ադ-Դաուլայի փոխարեն ...յուրաքանչյուր ուրբաթ օրը նա չքավորներին և այրիներին որպես ընծա տալիս էր 10 հազար դիրհեմ: Յուրաքանչյուր տարի ծախսում էր երեք հազար դինար, որպեսզի (Համադանից Բաղդադ) կոշկակարները կոշիկ պատրաստեն հաջ մեկնողների համար: Ամեն ամիս նա ծախսում էր 20 հազար դիրհեմ մեռածներին սավան գնելու համար: Իր տարածքում Բադրը նորոգեց⁷⁹ երեք հազար մզկիթ և իջևանատներ օտարերկրացիների համար: Յուրաքանչյուր հոսող ջրի մոտ նա գյուղ էր կառուցում: Յուրաքանչյուր տարի Բադրը հազար դինար էր ուղարկում ալ-Հարամայնի (այսինքն՝ Մեքքայի և Մեդինայի—Ա. Փ.) բնակչության ողորմությունների, ճանապարհների պաշտպանության և այլ կարիքների համար:

...Նրը նա վախճանվեց այդ ամենին վերջ տրվեց ... ուխտագնացությունը դադարեց: Բադրը շատ էր աղոթում և փառաբանում աստծուն... նա թաղվեց հավատացյալների վեհապետ հանգուցյալ Ալիի գերեզմանոցում»⁸⁰:

Արաբական աղբյուրներից բերված նյութերը ցույց են տալիս, որ իսլամի տարածումը քրդերի մեջ մեծ չափեր ընդունեց X դարից: Բացի

այդ, իրն ալ-Ջաուզին վկայակոչում է քրդերի մոտ իսլամի շիական ուղղության գոյության մասին, թեև քուրդ պատմիչ Շարաֆ խան Բիթլիսին նշում է, որ քրդական բոլոր ցեղերը իսլամի սուննի ուղղության շաֆիական աղանդի հետևորդներ են⁸¹։ Այդ աղանդը ըստ իրն ալ-Ասիրի՝ քրդական Մովանյան իշխանությունում ընդունվեց X դարի վերջերին⁸²։

Ամփոփելով մեր շարադրանքը, անհրաժեշտ է ընդգծել, որ իսլամը քրդերի մեջ սկսեց ներթափանցել VII դարի 30-ական թվականներից, երբ արարները նվաճեցին քրդական շրջանները։ Սակայն այդ մասին մեզ հասած սկզբնաղբյուրների տվյալները նոր գաղափարախոսության ընդունման վերաբերյալ չափազանցված են։ Քրդերի մահմեդականացման բուն պրոցեսը սկսվեց, մեր կարծիքով, IX դարում։ Իսկ X դարից իսլամի ընդունումը կրեց մասսայական բնույթ, երբ քրդական ֆեոդալական վերնախավը, ելնելով իր քաղաքական և տնտեսական շահերից, ինչպես նաև իր ազդեցության ոլորտը ընդլայնելու նպատակով, ամբողջությամբ անցավ այդ կրոնի ծառայության, իր ետևից տանելով հոծ զանգվածներ։

А. П. ПОЛАДЯН

РАСПРОСТРАНЕНИЕ ИСЛАМА СРЕДИ КУРДОВ В VII—X вв.

(По арабским источникам)

Резюме

Вопрос о распространении ислама среди курдов в восточноведческой литературе изучен слабо. В статье ставится цель на основании арабских средневековых источников показать первоначальный этап процесса распространения ислама среди курдов. В связи с этим автором рассматривается ряд вопросов, связанных с домусульманскими верованиями в среде курдов.

Использованные арабоязычные материалы позволяют утверждать, что первые упоминания о распространении ислама относятся к 30-м г. VII в., однако они, по-видимому, легендарны. Более надежные сведения о начале исламизации курдов датируются IX в. Массовое обращение курдов в ислам началось лишь в X в., когда руководствуясь политическими и экономическими интересами, ислам приняла курдская феодальная верхушка.

1. *H. Marr*, Еще о слове челеби, «Записки Восточ. Отделения Императорского Русского Археолог. Обществ.», т. 20, вып. II—III, СПб., 1911; *В. Ф. Минорский*, Заметки и впечатления, СПб., 1915 г.; *С. А. Егиазаров*, Краткий этнографический очерк Эриванской губернии, Тифлис, 1891 г.; *В. Никитин*, Курды, М., 1964 г.; *V. Minorsky*, Kurdistan and kurds,—«The Encyc. of Islam», v. 2, London, 1927, *G. Driver*, The religion of the kurds,—«BSOS», v. 11, pt. 2, 1922, *B. Nikitin*, Une apologie kurds du sunnism,—«Rocznok Orjanlistyczny», t. VIII, Lwow, 1934; *B. Nikitin*, Les kurdes et le christianisme,—«RHR», 1922, t. LXXXV, N 3.
 محمد امين زكي، خلاصة تاريخ الكرد وكرستان، القاهرة، ١٩٠٩، رشيد ياسمي،
 كرد و پيوستگي نژادی و تاریخی او، تهران، ملا رؤف سليم حويدزی، كورد
 وثائيني ئيسلام، بغداد، ١٩٧٠.
- G. Edmonds*, Kurds, Turks and Arabs, New-York, 1947, *E. Soan*, To Mesopotamia and Kurdistan in Disguise, London, 1926,...
2. رشيد ياسمي، كورد...، ص ١١٩
3. محمد امين زكي، خلاصة تاريخ الكرد، ص ١٢٨، رشيد ياسمي، كورد...، ص ١١٩
4. «Հայկական Սովետական Հանրագիտարան», հ. 3, Ե., 1977, էջ 711:
5. *V. Minorsky*, Kurdistan and kurds,—«The Encyc. of Islam», v. 2, London, 1927, p. 1151.
6. Նույն տեղում:
7. الطبری، تاريخ الام والملوک، مصرج ٥، ص ٩-١٢، ابن الاثير الكامل في
 التاريخ، القاهرة، ١٩٣٧، ج ٣، ص ٢٥٢٤.
8. *Ibn Haukal*, Vtae et regna,—«Bibliotheca Geographorum Arabicorum», ed. M. J. de Goeje, t. 11, Lugduni Bat., 1873, p. 189, *այսուհետև Ibn Haukal*.
9. Նույն տեղում:
10. *Al-Istakhri*, Vtae regnorum,—«Bibliotheca Geographorum Arabicorum», t. I, ed M. J. de Goeje. Lugduni Batavorum, 1870, p. 139 (*այսուհետև al-Istakhri*).
11. *Al-Moqaddasi*,—«BGA», t. III, Lugduni Batavorum, 1966, p. 427 (*այսուհետև al-Moqaddasi*).
12. *Ibn al-Fakih*. Kitab al-Boldan,—«BGA», t. V, Lugduni Batavorum, 1885.
13. *Al-Idrisi*, Opvs Geographicum, fas. IV, Neapol-Roma, 1974, p. 424 (*այսուհետև al-Idrisi*).
14. *Al-Moqaddasi*, p. 427.
15. *Ibn al-Fakih*, p. 246.
16. Նույն տեղում:
17. *Ibn Khordadbeh*, Kitab al-Masalik wal-mamalik,—«BGA», t. VI, Lugduni Batavorum, 1889, p. 47 (*այսուհետև Ibn Khordadbeh*) տե՛ս նաև *Ibn al-Fakih*, 203.
18. *Al-Istakhri*, p. 114, al-Idrisi, fas. IV, p. 419.

19. Ջիրալդի (արաբերեն «շարալա» — [սար] բառի հոգնակին է) Համադան կենտրոնով աշխարհագրական-վարչական բաժանում էր արաբական տիրապետության ժամանակաշրջանում: Նրա կազմի մեջ մտնում էին արևմտյան Իրանի լեռնային հսկայական զանգվածներ, ընդ որում նաև պատմական Մարաստանի մի մասը: Ջիրալդ հայտնի էր նաև «Իրաք ալ-Աշամ (Իրանական Իրաք)» անունով: Համադանի հյուսիսից մինչև Ատրպատականի սահմանակից լեռների բնակչության գերակշռող մասը բրդեր էին: Քերմանշահի (Կարմասին) և Ատրպատականի միջև ընկած մարզը ուշ շրջանում կրեց Արդևան անունը: *Sh. B. Barmolish, Cov. t. VII, T. 1971, c. 198—202, Ibn Haukal, p. 255.*
20. *Ibn Rosteh, Kitab al-A'iyak an-Nafisa.—BGA*, t. VII, Lugduni Bat. 1892, p. 165, al-Moqaddasi, p. 394:*
21. المسعودی، اخبار الزمان، القاهرة، ١٩٣٨، ص ٧٨
22. V. Minorsky, Զեյնալ աշխատությունը, էջ 1151, G. Driver, Զեյնալ աշխատությունը, էջ 197:
23. خصبك شاکر، الاكراد، بغداد، ١٩٨٢، ص ٢٨٤
24. *Ibn Haukal, p. 156; al-Idrisi, fas. VI, Neapol-Roma, 1976, p. 659.*
25. *Al-Moqaddasi, p. 394.*
26. *Ibn Haukal, p. 207; IV ص ١٩١٢، بیروت،*
27. Ալ-Ջուդի, լեռ է (400 մ), գտնվում է Բոհթանում, Ջազիրա իբն Օմարի հյուսիս-արևելքում: Արաբական աղբյուրներում շատ է գրվել այս լեռան մասին Համաշխարհային շրջադեղի և Նոյի տապանի կապակցությամբ: Նրանցում կրկնվում է Ատովածաշնի դիցարանական վարկածը, նշվում է, որ Նոյի տապանը կանգնել է ալ-Ջուդի լեռան կառարին:
28. المسعودی، مروج الذهب، ج ٢، بیروت، ١٩٦٦، ص ٢٥١
29. ՄԱԶՄ ԳԱ Արևելագիտության ինստիտուտի լեռնագրության բաժանման արաբական ձեռագրաֆոնդի № 782 ձեռագիր, Բ. 167ա:
30. الدمشقي، کتاب نخبة الدهر في عجائب البحر والبر، لايمتسيك، ١٩٢٣، ص ٢٥٥
31. اشبابشتي، الديارات، بغداد، ١٩٥١، ص ١٩٩-١٩٦
32. ياقوت الحموي، معجم البلدان، ج ٢، بیروت، ١٩٥٦، ص ٥٣٠
33. Л. И. Климович, Ислам, М., 1962, с. 13.
34. М. Б. Пиотровский, Мухаммед, пророки, лжепророки, кахины, в сб. «Ислам в истории народов Востока», М., 1981 г., с. 15.
35. محمد امين زكي، خلاصة، ص ١٣٠
36. Նույն տեղում:
37. *Ibn Hajar, A Bibliographical Dictionary of Persons who Knew Mohammad, vol. I, Calcutta, 1856, p. 428.*
38. ابن حجرالعسقلاني، تهذيب التهذيب، حيدرآباد-ج ١٠، ص ٢٩٤
39. ابن الاثير، اسد الغابة في معرفة الصحابة، ج ١، تهران، ١٣٧٧، ص ٢٥١
40. ابن حجر، الاصابة، ص ٢٢٨، ابن الاثير، اسد الغابة، ج ١، ص ٢٥١
41. محمد امين زكي، خلاصة، ص ١٣٠
42. رفيق حلمي، الاكراد، بغداد، ص ١٧

43. И. Петрушевский, Ислам в Иране в VII—XV вв., Л., 1966, с. 19.
44. البلاذري، فتوح البلدان، القاهرة، ١٩٠١، ص ١٨٢
45. Նույն տեղում, էջ 309:
46. Նույն տեղում, էջ 339:
47. Նույն տեղում, էջ 341:
48. ابن خلدون، كتاب العبر وديوان المبتدا والخبر، ج ٢، مصر، ١٢٨٤، ص ١١٩
49. ياقوت الحموي، معجم البلدان، ج ٣، بيروت، ١٩٥٥، ص ٣٧٤
50. Вторая записка Абу Дулафа, М., 1960, с. 41—42.
51. الطبري، تاريخ الامم والملوك، ج ٤، مصر، ٢١١٠—٢١١٠، ابن الاثير، الكامل، ج ٣، القاهرة، ١٩٣٥، ص ٣٨٢—٣٨١
52. ابن الاثير، الكامل، ج ٣، ص ٢٤—٢٥، الطبري، تاريخ الامم والملوك، ج ٥، مصر، ١٢٨٨
53. ابن الاثير، ج ٣، ص ٢٤—٢٥
54. Ibn al-Fakh, p. 293. ابن الاثير، الكامل، ج ٣، ص ٤٤
55. البلاذري، ص ٢١١
56. Т. М. Сипенкова, О налоговой терминологии ал-Баладзори.—«Палестинский сборник», вып. 15/78/, М., 1966, с. 148.
57. البلاذري، ص ٤٥—٤٦
58. Said b. Batrik, at-Tarikh,—«Scriptores Arabici textus», ser. III, t. VII, Parisis, 1909, p. 10.
59. الطبري، تاريخ، ج ٦، مصر، ٧٢—٧١، ص ١١٦—١١٥
60. Al-Istakhri, pp. 113, 156—157.
61. Ibn Khordadbeh, pp. 14—15; Al-Moqaddasi, p. 400, Ibn al-Fakh, pp. 131—136.
62. مروءة حسين، النزاعات المادية في الفلسفة العربية الاسلامية، ج ١، بيروت، ١٩٧٩، ص ٤٣٦
63. И. Петрушевский, Ислам в Иране..., с. 39.
64. مروءة حسين، النزاعات، ج ١، ص ٤٣٧
65. И. Петрушевский, Ислам в Иране..., с. 43.
66. مروءة حسين، النزاعات، ج ١، ص ٤٤١
67. Նույն տեղում:
68. اليعقوبي، تاريخ، ج ٢، النجف، ١٩٠٩، ص ١٩٣
69. المسعودي، مروج الذهب، ج ٣، ص ٣٠٢
70. الطبري، تاريخ، ج ١١، مصر، ٢٣٢، ابن الاثير، الكامل، ج ٥، ص ٣٣٤
71. المسعودي، مروج الذهب، ج ٣، ص ٣٥١
72. المسعودي، مروج الذهب، ج ٣، ص ٣٠٢
73. ابن خلدون، كتاب العبر، ج ٣، مصر، ١٢٨٤، ص ٤١٣—٤١٤
74. И. Петрушевский, Ислам в Иране..., с. 48.
75. Е. Беляев, Мусульманское сектантство, М., 1957, с. 35.
76. ابن الاثير، الكامل، ج ٧، ص ١٠١

77. ابن الجوزي، المنتظم في التاريخ، ج ٧، حيدرآباد، ١٣٥٧، ص ٢٧١
78. Шараф-Хан Бидлиси, Шараф-наме, т. I, М., 1967, с. 91.
79. Իբն Կապրըն Իշում է, որ Քաղըրը կառուցեց արևի քան 2 հազար մզկիթ և իշում-նառումներ, տե՛ս «القاهرة» ج ١١، ١٩٣٢، ص ٣٥٤
80. ابن الجوزي، المنتظم، ج ٧، حيدرآباد، ١٩٥٧، ص ٢٧١
81. Шараф-Хан Бидлиси, Шараф-наме..., с. 91.
82. ابن الاثير، الكامل، ج ٧، القاهرة، ص ١٤٤